

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCEÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS.

manè discutienda in Scholis Medicorum, die Martis secundâ mensis

Martii, anno Domini M. DCC. LXXIII.

M. JACOBO VERDELHAN DES MOLES, Serenissimi Principis
Condeï Consiliario Medico, Doctore Medico, Præsîde.

*An hodierna methodus in disponendis & exornandis variis ædificiorum par-
tibus, sanitati noceat?*



EATUS ille qui in loco placido, nec admodum populofo sedem figit. Ibi satis est habitare domos, levibus fulcris maximâ sui parte sustentatas, quæ oppositis trabibus firman-
tur, nè corruant, quarum hiantes rimæ aut vitia, aliquo levi tectorio obducantur tantum, ut habitator, securos soles condere, somnumque nullis abruptum curis, carpe-
re possit. Domui hortulos adjungere datur, & puteos non altos, ex quibus sine fune ipsâ manû aquam hauriat, quâ horti plantas amet irrigare. Quid jucundius illâ rusticanâ

vitâ, quæ sarculo & rastro gaudet! Gallorum cantu manè exsuscitatus incola, primos solis nascentis radios excipit. Benigno illius aspectu cuncta foveri, naturæ novam, ut itâ dicam, vim infundi, miratur. Oculi illius variis delinuntur coloribus. Miro avium concentu demulcentur aures. Montes & colles perlustrans, zephiri blandè ludentis aurâ recreatus, labentibus aquis ex rupibus, sitim compeicit & purâ se proluit limphâ. Tum diurnas emensus horas domum relegit, lateri castæ mulieris assidens dulces amplectitur natos, veneris tuta noscit præmia. Vino deprompto ex dolio, frugalique cibo, refocillatis viribus, fessos diurno calore artus tradit quieti divitibus invidendæ.

Quantum ab illo mutati, infelices oppidani! Sensationum summâ varietate lacesciti, impeditique sæpissimè earum fluctuanti vicissitudine, jamjam à natu-
re semitibus aberrantes, erroribusque sanitati maximè noxiis delusi, luxurianti phantasiæ obsequendo, voluptatum delicias, rationi, viribusque impares, & haud benè consonas, undique investigant. Si quicumque terrarum muneribus viventes, æquam legem atque necessitatem subeant, diviti aut pauperi nulla lechi remaneat fuga; quid prodest magnatibus cum apparatu & magno comi-
tatu incedere, equos fatigare atque vexare singulis diebus? Quid prodest domus

locuples, in quâ de magnâ cœnâ superesse solent fercula exquisitissima, si in quibuslibet ædificiorum partibus malè dispositis, aer inquinatus ab errore loci, pleno gutture combibatur, à quo scatet fons & origo tantorum quibus cruciantur malorum.

I I.

PRIMO aspectu domûs, jucundè imaginatio movetur; sed attentè perpendenti, quot redarguenda, in intimis præcipuè penetrabilibus? In conclavi plûs minûsvè angusto, hypocaustum ex Ære fabrefactum, aut ex faventinâ constructum, undiquè maximum caloris gradum spargit, cui scœidus servorum halitus immisceatur. Exhedra undique cingitur canaliculis vaporario affixis quibus calor devehitur. Præterea hocce in loco, super foco largâ manu ligna reponuntur ut frigus arceatur; quibus omnibus aer rarefactus atque extenuatus evadit, unde huius aspiratio fit minûs salubris. Janua haud hæc in ædificii parte deficientes, flanti vento aditum irregularem parant, unde nova malorum caerva. Museum si adieris, angustius conspicias; ignis in foco viget maximus, aer rarefit, minori donatur elaterio, collabascunt igitur functiones, gravatur caput, calore maximo velut appoplecticum; hinc herum non libris impallescentem fedè dormientem reperies. Si passus ad dormitorium diriganter quid minûs, tûm rationi, tûm sanitati consonum? Præter angustiam loci nimis iniquam, cubile in zoteculâ reconditur, sæpissimè quadruplici velo circumductum. Culcita aut ex lanâ aut plumis composita, stragulis calidis cooperitur; aer ex foetidis, tûm putridis halitibus per totam noctem quàm longam coinquatur. Si eodem in lecto decumbant maritus & uxor, majori vitio fœquet aer ab unguentis & pinguibus olidis quibus delibuit civites veneri sacra litare parant, longèquè fugientem voluptatem mentiri conantur. Adde quod his in locis psittaci, caniculi, simiæ haud gratum conspergant odorem. Secretius muliebre cubiculum scrutaris? Pulveres odorati circumvolant undiquè, unguenta ex foliis pretiosissimis confecta nares accerbissimè feriunt. Hic ancilla modò in anrillos flectit dominæ capillos, modò illius cutem lacte demulcet, & variis pigmentis illinit faciem. Belluli juvenes, odoribus & aquis medicatis obruti insuper advolvunt. Sedilia quibus utuntur magnates, nimium excitando calorem inferioribus in partibus, rarefactionem purpurei liquidi in venis hæmorrhoidalibus adaugendo, morbos illo nomine insignitos utroque in sexu adducunt. Tapetæ ex lanâ aut bombyce confectæ, aerem inquinatum inter maculas retinent, ut quotidiana probat experientia. Fenestræ quamvis amplæ sed multis cancellis muniæ aeris aditum præcludunt. Vitra majorem luminis quantitatem affundunt, & inde per breve temporis spatium oculos reddunt imbecilliores. Cùm hæc ita sint, nonne jam meritò laudandos esse intelligis ambos illos philosophos, quorum alter quoties prodibat in publicum, risu, alter contrâ sletu & lacrymis hominum dementiaem & ineptias prosequabatur. Videtur tamen facilius mores hominum ridendo castigare, quàm flendo. Mirum apparet quo pacto tam uberes lacrymas in promptu semper habuerit heraclitus.

I I I.

TANTAM esse aeris in quo vivimus utilitatem atque necessitatem ad vitam conservandam, ut ne per momentum eo carere possimus, nemo inficias ibit. Ab ejusdem mutationibus corpora nostra, quoad temperiem & constitutionem partium tûm solidarum, tûm fluidarum, insigniter mutantur, & ad sanitatem morbosque disponuntur. Ubi quæque locorum nos ambit immediatè, cùm

alimenti & potulentis recipitur; unde haud fieri potest quin suas dotes atque qualitates per omnes succos diffundat, & pro sua temperie, eisdem, modo premat, modo rarefaciat, vel refrigeret; humectet, vel exsiccet, aliisque innumeris modis afficiat. Hoc naturæ votum, ut per varia anni tempora atque tempestates, humores nostri, aut nimis fervidi, exagitati, nimisque per ætatem exhausti, ad meliorem temperiem per autumnum redeuntes, per hiemem rursus condenfarentur, virium & caloris animalis fieret reparatio, eoque ipso, tono viscerum corroborato, digestiones promoverentur; adeoque veris tempus blando calore humores per hiemale frigus inspissatos expandat; secretiones instaurando poros universi corporis aperiat, ut liberiori & necessaria transpirationi exitus concedatur. Ab illo tramite declinarunt oppidani dum commorantur in omnibus illis ædificiorum partibus in quibus aer calorem æstatis adæquans, nimis fervidus, partibus heterogeneis obrutus evadit. Aere ambiente plus justo calidiore & sicco, humores, diu noctuque nimium agitantur, dilatantur corporis pori, nimium aperiuntur, & consequenter humiditas non solum necessaria absumitur, sed cum simul partes spirituosæ, balsamicæ exhalant, tonus partium valde debilitatur, à quorum omnium tamen vigore, operationes naturales pendent. Multis effluviis undequaque intervenientibus, aer inquinatus, nostris humoribus anomalias excitat, unde mulieres partus inopinatus sæpissimè patiuntur, aut infantes minis benè valentes in lucem edunt; aut ipsæ fluore albo, debilitate nervorum à pravis odoribus oriundâ cruciantur. Quod si aliquando cœlo liberiore fruantur, derepentè in eos irruit frigus, unde aut transpiratio minuitur, aut excluditur, & tunc rheumatismos, pleuritides, febres putridas, malignas sæpius à spissitudine & humorum pravâ indole congenitas procreat. Si aliquo vitio aut fenestrarum, aut januarum spiracula relaxentur, eadem suprà memorata generantur mala. Præterea molle cubile ex pennis compositum, nimium calorem excitando, fluidorum auget circulationem, quâ quidem ausâ, motu velociori raptus sanguis anxietates in somno producit.

I V.

QUAMVIS ultimis Reipublicæ Romanæ sæculis, nullum frenum luxuriæ aut magnificentiæ leges imposuerint, hoc tamen ut sacrum in ædificiis constituendis habuerunt Romani, ut benigno acris afflatu recrearentur, in interioribus, dirissimisque occurrerent morbis, pauca tantum in ædificandis regis domibus exempla Romanorum apud Gallos mos protulit. Hos pravos usus excutiendos esse, haud diffirebitur nemo. Hunc tantum assequuntur finem, qui teligent domos, quas undequaque pro necessitate perficere possit zephyrus aut borealis, aut meridianus. Longè à paludibus humidam mephitis exhalantibus recedant. Omnes ædificii partes nimis non premantur angustis, jugiter & singulis diebus aditus externo aeri, nec non æquatæ auræ pateat. Tubuli ferrei in bracteis tenuati, aut hypocausta male sanum calorem capiteque infensissimum præsentia, zetæ & sipparia dimoveantur: exulent unguenta; exulent odores nervis inimici quorum maximus usus apud Magnates; culcitæ componantur ex crinibus, non lancis aut pennis; illa enim corpora certam quamdam olei & spiritus volatilis quantitatem nec non salis foetidissimi suppeditant, unde motum & calorem augent, solidis stimulos addunt, per cutis spiramenta humores plus æquo emittunt, unde virium imbecillitas, nervorumque mobilitas maxima. Dum è contra, sedant, refrigerant facultate gaudent crines, ad salubrem invitant quietem, somnum

Vide thes-
sum, an salu-
rior in cri-
nes equinos
quàm in la-
nam pennas
vè decubitus?
auctore Ce-
lebi M. Guin-
dant 1771.

placidum conciliant, tandem perspirationem & sufficientem promovent diuresim. Sedilia ex arundine si conficiantur, aer exterior firmare valebit vasa, dilatationi & humorum rarefactioni occurret; hinc ab hæmorrhoidibus tam frequentibus solutus erit uterque sexus, & fluore albo femineus. Animalia quorum corpora sordidam exhalant spurciem à malè recoctis alimentis, à vinculis solvantur. Parietes tabulis vestitos peripetasmatis anteponendos haud recusat quotidiana experientia. Aer liberum inveniens transitum, castigat muros ab humiditate, sic diris obstat plurimis morbis. Ædium fenestræ ita disponentur, ne major luminis quantitas affulgeat & aciem oculorum obtundat. Vento liberiore aditus recludatur, obices removendo; tunc aer contentus ab impuritatibus castigari potest: per diem moderatis indulgendo exercitiis, actio solidorum augeatur, fluidorum distributio fit liberior, transpiratione mediâ avolant inutiles succi, cui reparationi occurrendum moderatis cibus & potibus.

V.

FUNDAMENTIS, ni fallor, inconcussis nititur nostra assertio, cum ratiocinio invictò fulciatur. Vestigiis Medicorum melioris notæ insistentes, hanc opinionem in lucem proferre ausi sumus, ut veritas magis ac magis elucescat, & ut voluptatum illecebris & lenocinio cupiditatum capti, veritatis adumbratione prætegere non possint amplius pravam agendi rationem. Ab his certè non declinent magnates, ut silentes morbi præcaveantur & præsentès debellantur.

Ad conciliandam sanitatem suam quæ aerem diutissimè concatenatum coacervatumque, miasmatis malignis imbutum, tum à pravis odoribus hinc & inde manantibus, tum à nimio calore exhalantibus, expurgare atque defœcare possunt. Advocato auræ salubrioris auxilio, partes aeris conspurcate in majus spatium sparguntur, aut omninò avolant. Ad has expellendas manum auxiliatricem præbent, æetum, akalia volatilia, &c. *. His omnibus, aer venenatam deponit indolem, benigniorem induit & à stagnatione contrariâ vindicatur.

Hæc tamen in renovatione, cautela quædam servandæ sunt, (nam modus est in rebus) frigidus aer, maximâ quantitate non irrumpat, sed sensim sine sensu, bis aut ter advocandus ab unâ ædificii parte, ut inquinatus ab oppositâ debellari possit. Per hiemem moderatus accendatur focus ad leniendum frigus, relativè ad tempestates, regiones atque ætates.

Ergò hodierna methodus in disponendis & exornandis variis ædificiorum partibus, sanitati nocet.

Proponebat Parisiis JOANNES. MATTHÆUS DE FRASNE, Sequanus,
Saluberrimæ Facultatis Medicinæ Parisiensis Baccalaureus, Thefeos
author, A. R. S. H. 1773, à textâ ad meridiem

Vide the-
sim, an aer
corruptus ex-
purgari pos-
sit? auctore
Celeb. M.
Cecquereau,
1769.